

Тарвуз олаётганингизда бунга эътибор берганмисиз



**Тарвуз олаётганингизда бунга
эътибор берганмисиз**

14:00 / 25.07.2022 4768

Тарвуз ва қовун сотадиганларни ҳеч кузатгандикка мисиз. Улар доим тарвуз ёки қовуннинг энг катта ва ширинини чақмоқлаб, ўртасидан кесиб, харидорлар кўрадиган тарзда бозор расталарига қўйиб қўйишади. Бу билан гўё маҳсулотимнинг ҳаммаси мана шундай сифатли демоқчи бўлишади. Қизиғи шундаки, ўша кесиб қўйилган бозор расталаридаги тарвуз ҳар қанча мазали ва ранги одамни ўзига тортадиган ҳолда қип-қизил бўлмасин, ҳеч ким ўша тарвуз-қовунни сотиб олмайди. Бунга сабаб, биринчидан, ҳамма харидорларнинг унга назари тушган.

Иккинчидан, унинг устига ари, пашша, чивин каби ҳашаротлар қўнган.

Учинчидан, ердан кўтарилилган чанг унинг устига ўтириб, истеъмолга яроқсиз ҳолатга келиб қолган. Аёл киши ҳам худди шундай.

Очиқ-сочиқ либос кийган аёл гарчи эркакларнинг эътиборини тортса-да, лекин ҳеч ким унга уйланишни истамайди. Чунки, ярим-яланғоч либосда юрадиган аёлга шаҳват назари билан қаралади, қолаверса, бундай юриш шарм-ҳаёсизлик, иймони заифлик, уятсизлик ҳамда илмсизлик белгиси ҳисобланади. Шунинг учун кўплаб эркаклар бу каби аёлларга уйланишни

истамайдилар, балки авратларини беркитган, номаҳрам эркакларнинг назаридан сақланган аёлларга уйланишни истайдилар.

Динимизда бежизга аёлларга ҳам, эркаларга ҳам авратларини беркитиб юриш буюрилмаган.

Аллоҳ таоло Қуръони Каримнинг Нур сурасида шундай марҳамат қиласи:

رِبَّكَ لَلَّا إِنْ مُهَلَّكَ لَذِكْرٍ كَلَذِكْرٍ حَيْ وَ مُرَاصِبَ أَنْمَ اُضْعَى نَيِنْ مُؤْمِلَلَ لُقْ
نُوْغَنْ صَيْ أَمْ بَ
أَلِإِنْ هَتَنِي زَنِي دَبُّي أَلَوْنُهَجَوْرُفَنْ طَفْحَيَ وَ نَوْرَاصِبَ أَنْمَضْعَى تَانِمَؤْمِلَلَ لُقَوْ
نَوْتَلَوْغَبَلَ أَلِإِنْ هَتَنِي زَنِي دَبُّي أَلَوْنُهَبُّوْيُجَ لَعَنْ وَرْمُخَبَنْ بَرْضَيْلَوْ آهَنَرَهَظَ آمَ
يَنَبَ وَأَنْوَنَأَوْخَ وَأَنْوَتَلَوْغَبَ ءَانَبَ وَأَنْهَئَانَبَ وَأَنْهَئَآبَ وَأَنْهَئَآبَ آمَ
يَلْوَرْيَعَنِي عَبَاتَلَرَ وَأَنْهَنَأَمَيَأَتَكَلَمَ آمَ وَأَنْهَئَآسَنَ وَأَنْهَئَآسَنَ وَأَنْهَئَآسَنَ
نَبَرْضَيَ أَلَوْءَاسَنَلَرَتَأَرَعَيَلَعَأُرَهَطَيَمَلَنِي دَلَلَلَفَطَلَلَرَوَلَلَأَجَّرَلَأَنَمَةَبَرَلَ
نَوْنَمَؤْمِلَا آهَيَأَعَيِمَجَهَلَلَا يَلَإِأُبَوْتَوْنَوْتَنِي زَنَمَنِي فَخَيَآمَمَلْغَيَلَنَهَلْجَرَابَ
نَوْجَلَفُتَمُكَلَعَلَ

«Сен мўминларга айт, кўзларини тийсинлар ва фаржларини сақласинлар. Ана шу улар учун покдир. Албатта, Аллоҳ нима ҳунар қилаётгандаридан хабардордир».

«Сен мўминаларга айт: Кўзларини тийсинлар, фаржларини сақласинлар ва зийнатларини кўрсатмасинлар, магар зоҳир бўлган зийнатлар бўлса (майли). Рўмолларини кўксиларига тўсиб юрсинлар. Зийнатларини кўрсатмасинлар, магар эрларига ё оталарига ё эрларининг оталарига ё ўғилларига ё эрларининг ўғилларига ё ака-укаларига ё ака-укаларининг ўғилларига ё опа-сингилларининг ўғилларига ё аёлларига ё ўз қўлларида мулк бўлганларга ё (аёлларга) беҳожат эркак хизматчиларга ё аёллар авратининг фарқига бормаган ёш болаларга (бўлса майли). Махфий зийнатларини билдириш учун оёқларини (ерга) урмасинлар. Аллоҳга барчангиз тавба қилинг, эй мўминлар! Шоядки, нажот топсангизлар» (30-31 оятлар).

Ушбу оятда Аллоҳ таоло Пайғамбаримиз соллаллоҳу алайҳи васалламга хитоб қилиб, мўмина аёлларга кийим кийиш ва аврат беркитиш борасида ўзларини қандай тутишлари лозимлигини баён қилиб беришини буюрмоқда. Муслима аёллар ҳам номаҳрамларга шаҳват назари билан қарамасликлари лозимлиги ушбу оядан тушунилади. Аёлнинг аёлга нисбатан аврати киндигидан тиззасигачадир. Аёл кишининг номаҳрам

эркакларга нисбатан аврати юзи ва икки кафтидан бошқа бутун баданидир. Мўмина-муслима аёл шарафини сақлаш учун Аллоҳнинг амрига итоат этиб, авратини номаҳрам эркаклардан беркитмоғи керак. Бунинг учун эса, юзи ва икки кафтидан бошқа бутун танасини тўсиб турадиган кийим киймоғи лозим. Шунингдек, кийим юпқа, баданга ёпишган, тор бўлмаслиги ҳам зарур. Номаҳрам эркакларнинг эътиборини жалб қилмайдиган даражада бўлиши керак. Зийнат деганда чиройли кийимлар, тақинчоқлар ва аёллар ўзларини чиройли кўрсатиш учун ишлатадиган турли воситалар кўзда тутилади. Аёл киши ушбу оятга амал қилиб, зийнатини номаҳрамлардан беркитмоғи лозим, беркитишнинг имкони бўлмай қолганда гуноҳ эмас. бошларига ўраган рўмоллари фақат соchlарини эмас, балки томоқлари, кўксилари ва кўкракларини ҳам тўсиб турсин. Токи, уларнинг жамоли бегона кўзларга мўлжал бўлмасин, турли фитналар келтириб чиқармасин. Жоҳилият даврида аёллар оёқларига ҳам турли тақинчоқлар, қўнғироқлар тақиб олишар экан. Кейин эса, эркакларнинг эътиборини жалб этиш учун оёқларини ерга қаттиқ-қаттиқ уриб юриб, ҳалиги тақинчоқларнинг овозини чиқаришар экан. Бу эса, ўз навбатида, эркакларнинг шаҳватини қўзғаган, аёлнинг ортидан тушиб хиralик қилишига ва охир-оқибат зинога олиб бориши мумкин бўлган.

Аллоҳ таоло аёлларимизни, қизларимизни ва барча диндош муслима опасингилларимизни ҳаёли, иболи, сатрли бўлишларини насиб этсин!

**Нозимжон Ҳошимжон таржимаси
Хуршид Маъруф тайёрлади**